

Maligaliuqti Lorne Kusugak
Minista Kiinaujaliqijikkut
Kiinaujaliqijikkut Havagviani

Aakassi 7, 2025

Haluu Minista Kusugak,

Ilangani 21 uvani *Higaarlungni Maligami*, pitquijaa Angijuqqaq uvani Higaalungni Laisiliqinikkut tunilutik Ministamun munarijumun ukiuq tamaat unniudjutimi uvani higaarlungni laisiliqinikkun hulidjutini iluani siksiujuni tatqiqhiutini kinguagun nungudjutaanin maniliqinikkut ukiungani. Minista pitqujahimajuq iliurariami uuminga unniudjutimik uvunga Maligaliuqvingmun uvani tuklirmi hailihimajumi pidjutikhami.

Una unniudjuti naittumik naunaijaqtaa laisighatigun hulidjutit umani Angijuqqaami uvani Higaarlungni Laisighaini ataani Kiinaujaliqijikkut Havagviani uumani maniliqinikkut ukiungani 2024-25.

Kingulliinni ukiuni, Higaarlungi Laisiliqinikkut Ukiuq tamaat Unnudjutit taapkuanginnait unniudjutivaktait qaffiujuni laisighakkut uuktuutiniq pihimaniinnik angiqhimajainnikluunniit havagiami niuvvaavingnik (naliak ungahiktumi talvaniqpiaqluunniit nunagijaujumi). Tautuktijaami naudjuta Nunavunmi higaarlungi niuvvaanit qangannuaq ukiuni, angiklihaqhimajugun kituni unniutijauhimajuni uvani ukiup Ukiuq tamaat Unniudjutimi ilaupkaqhugin tamaita quajaginnait laisighakkut hulidjutit (nuutirutit, nutaanguqtirutit, ihumaliutqiffaarquidjutit, aallallu), qaffiujun atiliuqhimajun niuvirviit, akititilaanginnik maniliurutinik katiqhimajun laisighanin, niuvirvingnin atiliuqhimajun, tautungnatqijaujumillu, niuvvaavingnin niuvirutinin.

Pittiarnikkut,

Hillary Casey
Angijuqqaq uvani Higaarlunni Laisiliqinikkut
Kiinaujaliqijikkut Havaqviani

Piqangittuq maliktipkainikkut hulidjutinik, taimaalu, piqangittuq anullakharutinik tunihimajunik imaaluunniit ihumaliutqiffaaquidjutinik. Una Higaarlunghi Maliktipkainirnun havagvia uvani Kiinaujaliqijikkut Havagviani havaqatigiqpiaqtait niuvvaajiit niuvirvillu pipkaijaami ihuaqtunik unniudjutinik maligutikkullu qanuriliurutinik atuqtaujun ihuaqtukkut pingittaami uqaalagutinik, anullakhidjutinik huaktuidjutinikluunniit. Nunavutim pingahuit niuvvaajiit ihuaqtun, maliktun havaqatigiittiaqtullu paannauplutik pipkainirnun niuvvaaniit higuaarlunghik Nunavunmi pijun qanurittukkut munarijait aanniaqtailinirnun qajangnainnirnullu Nunavunmiunnun, taapkuallunullu nutarujunun, tuniutiullu qajangnaittumik tuniqhainirnun higaarlunghik inirninun – malruuk turaanganiit higaarlunghik maligainni maliktakhanilu Nunavunmi.

Hivumuudjutikhakkut 2025-26mun, Angjuqqaq Laisighanun unalu Higaarlungni Maliktipkainirnun havagviani Kiinaujaliqinikkut Havagviani ilauqpialiqutun maligaliuqvingmi ihivriurutaani uumani Nunavutip *Higaarlungni Maligami*. Havagutikkut ilihimadjutait ikajuqniaqtaatin naunaijaqlugu qujaginnait maligat maliktakhalluunniit ihariagijauttaaqtun hakugikhariami aulapkaidjutaani amiridjutainnilu uvani higaarlungnirni qanuriliurutainni Nunavunmi.

Laisighakkut Hulidjutit uvani 2024-25

Uuktuutit Laisighanun – Ilangani 8 (1)

Piittuq (0) iniqhimajunik uuktuutunik uumunga niuvvaanikkut higaarlungnik laisighanik uvani 2024–25mi ataani Ilangani 8(1) uvani Higaarlungni Maligami.

Laisighat pilgit Qanuriliurutikhanun – Ilangani 9 (1)

Piittuq laisighanik tunijauhimajunik qanuriliurutikhaqaqtunik malikhugu una Ilangani 9(1) uvani 2024-25 maniliqinikkut ukiungani.

Nuutirinikkut Laisighanik – Ilangani 11 (3)

Piittuq nuutirinikkut niuvvaanikkut higaarlungnik laisighanik tukhiqtaungittun angiqtaungittullu ataani Ilangani 11(3) uvani unniudjutikkut ubluinni.

Laisighat Nutaanguqtirutit – Ilangani 12 (3)

Pilik pingahunik (3) tukhirutinik laisighani nutaanguqtirutinik ataani Ilangani 12(3):

- NunaCannabis (Iqaluit) – tahamaniitpiaqtunik ungahiktuniklu niuvirvingmik
- Higher Experiences (Iqaluit) – tahamaniitpiaqtunik ungahiktuniklu niuvirvingmik
- Nunabis (Kangiqliniq) – ungahiktuq niuvirvik

Tamaita tajad niuvvaajiit nakuujumik nutaanguqtigtait laisighanik uvani 2024-25mi.

Ihumaliutqiffaaqujait – Ilangani 13

Piittuq ihimaliutqiffaaqujainnik iliuraqhimajunik ataani Ilangani 13 uvani Higaarlungni Maligami uvani 2024–25mi.

Aallakkiingniit – Ilangani 14

Piqangittuq aallakkiingnik tunihimajunik ataani Ilangani 14 uvani unniudjutikkut ubluinni.

Anullakharutait Ihumaliutqifaaqujainiklu – Ilanginni 15, 16, uumanilu 17

Piittuq maliqujainnik uvaniluunniit maligutikku hulidjutinik pingittun ataani Ilanginni 15, 16, uumaniluunniit 17 uvani 2024-25mi.

Atiliughimajun Niuvirviit – Ilangani 21.1.

Pilik 37nik atiliuqhimajunik niuvirviinnik Nunavunmi atiliuqhimajun ataani Ilangani 21.1 uvani Higaarlunqnirmi Maligami uvani 2024-25mi.

Maniliurutit laisighanin atiliurnikkullu akiinnin

Qanurittuq	Ilanga uvani <i>Higaarlungni Maligaq</i>	Amigainniit
Laisighakkut Uuktuutiit	Ilanga 8(1)	0
Laisighat pilgit Qanuriliurutikhanun	Ilanga 9 (1)	0
Nuutirinikkut Laisighanik	Ilanga 11(3)	0
Laisighat Nutaanguqtirutit	Ilanga 12(3)	3
Ihumaliutqiffaaqujait	Ilanga 13	0
Aallakkiingniit	Ilanga 14	0
Anullakharutait Ihumaliutqifaaqujainiklu	Ilangit 15, 16, unalu 17	0
Atiliuqhimajun Niuvirviit	Ilanga 21.1	37
Maniliurutit pijut ukunanga lasighanin atiliurutinillu akiinnin	Naunaitkutaa A uvani Higaarlungni Maliktakhait	\$7,200
Maniliurutit niuvvaadjutinin	Naunaitkutaa A uvani Higaarlungni Maliktakhait	\$195,725.56